



Նոր

ՀԱՐԱԳ



Է.Տարի : Թիւ 1

Եռամսեայ թերթիկ

Յունուար 2021

Հրատարակութեամբ

Հ.Մ.Ը.Մ. Ալմելո Մեկուսի շրջանի վարչութիւն



Երբը շարունակելու է

1918ին 102 տարի առաջ մանուկը ծնաւ հայոց ցաւէն, տառապանքէն:

Ջարդի արիւնով մկրտեցին այս մանուկը եւ զայն կոչեցին Հ.Մ.Ը.Մ. :

Իսկ այս մանուկին պարտականութիւն տուին՝ ծառայել հայ յողովորդին: Նա անմիջապէս լծուեցաւ Յեղասպանութեան զոհ զացած մեր ժողովուրդի զաւակներուն՝ հազարաւոր որբերու փրկութեան, դաստիարակութեան եւ հոգեմտաւոր կազմաւորման աշխատանքին:

Իր ծննդեան առաջին օրէն ան կը ձեռնարկէր հայրենի ժողովուրդի, պետականութեան եւ բանակին օժանդակութեան գործին, հաւատարիմ իր նշանաբանին՝ «Բարձրացի՛ր-բարձրացու՛ր»-ին, դրոշմելով արդի պատմութեան մէջ իբր կամաւոր բանակ:

Բանակ մը որ պիտի գործէր անդուլ եւ անուետ Հայրենիքի , Սփիւքի եւ ապա Արցախի տարածքներուն , պահպանելով ու պաշտպանը հանդիսանալով միութեան դաւանած արժէքներուն եւ հայ ժողովուրդի սրբազան նպատակներուն: Այսօր Հ.Մ.Ը.Մ. Ալմելո-ն իր բոլոր կազմաւորումներով կու գայ հաստատելու որ նրանք շարունակելու են 1918-ին սկսած իր նախորդներու երթը:



ՓՐԿԵԼՈՒ ՀԱՄԱՐ ԿՈՐՍՈՒԱԾ,
ԶԱՊՐՈՒԱԾ ՄԱՆԿՈՒԹԻՒՆԸ
(Խմբագրական «Մարզիկ»ի թիւ 418-419-ի)



Պատերազմը միայն հակառակորդ ուժերու կռիւ չէ, ուր մարդիկ կը գոհուին կամ կը վիրաւորուին մարտի դաշտին վրայ: Պատերազմը նաեւ կորսուած, չապրուած մանկութիւն է: Երեխաներ են, որոնք իրենց վտիտ ուսերուն շալկած են պատերազմի ամբողջ ծանրութիւնն ու դաժանութիւնը:

Շատեր կորսնցուցած են տուն-տեղ, դարձած են անօթեւան: Ուրիշներ ապրած են պատերազմին սարսափելի արհաւիրքը, ներկայ եղած են մահուան անկուշտ խրախճանքին, կորսնցուցած են ընտանիքի անդամներ՝ հայր, մայր, երբեմն երկուքը եւ դարձած են որբ ու անպաշտպան:

Շատ-շատեր դարձած են գաղթական, կտրուած են իրենց հարազատներէն, դասընկերներէն, քաղաքէն, քաղաքացիներէն եւ այն ապահով միջավայրէն, որ անհոգ մանկութիւն մը պիտի պարգեւէր իրենց:

Կան նաեւ անոնք, որոնք զրկուած են կրթութեան, խնամքի եւ առողջապահութեան տարրական իրաւունքներէն, ընկերային-հոգեբանական ամէն ձեւի աջակցութենէ, ինչ որ մարդկային բնական զարգացում մը պիտի ապահովէր իրենց:

Անողորմ եւ դաժան է պատերազմը, յատկապէս մանուկներու համար, որոնց գլխաւոր խաղալիքը պարապ փամփուշտներն են, լաւագոյն խրատը՝ անձանօթ իրերը եւ մանաւանդ կանաչ գոյնով երկաթները չձեռնելը, իսկ մեծագոյն ուրախութիւնը՝ մօտը ինկած, բայց չպայթած ռումբը, որուն համար դողդոջ շրթներ հազար փառք կու տան Աստուծոյ...

Պատերազմը մանուկներու աչքերուն մէջ թանձրացող տխրութիւնն է եւ տարիքէն կանուխ հասուննալու դժբախտութիւնն է: Հակառակը կարելի չէ պնդել, որովհետեւ Արցախեան պատերազմը լաւագոյն ապացոյցն է այս ցաւալի իրականութեան:

Այլապէս, ի՞նչ ըսել այն հազարաւոր աշակերտներուն, որոնք ազերի-թուրքին բարբարոսութեան պատճառով զրկուեցան դպրոց յաճախելու կարելիութենէ: Ի՞նչ ըսել այն բազմատասնեակ երեխաներուն, որոնց ժպիտները աստղեր դարձան երկինքի մէջ, երբ երկրի վրայ անոնք մնացին անհասցէ:

Թշնամին ծանր հարուած հասցուց կրթական 85 հաստատութիւններու: Մասամբ կամ ամբողջովին քանդեց հարիւրաւոր բնակարաններ, հաւատքի տուններ, հիւանդանոցներ, մշակոյթի եւ մարմնակրթութեան կեդրոններ: Սպաննեց ու վիրաւորեց հազարաւորներ, հաշմանդամ դարձուց հարիւրաւորներ, մտքով ու հոգիով խոցեց ամբողջ ժողովուրդ մը, որուն հայրերուն գլխաւոր մաղթանքն էր՝ «Մեր զաւակները մեր տեսածը չտեսնեն»: Բայց, զաւակները տեսան, թոռնէ ըն ալ տեսան... չտեսնուածը:

Իսկ ո՞ւր են իրենք զիրենք մարդկային իրաւունքներու ներկայացուցիչներ, ժողովրդավարութեան, խաղաղութեան եւ մանուկներու պաշտպան հռչակած ընկերակցութիւնները: Ինչո՞ւ լուռ են հանրային կարծիքն ու միջազգային ընտանիքը, որոնք շատ աւելի մտահոգ են... Ամազոնի անտառային հրդեհներով եւ Աւստրալիոյ քաղաքներու կորուստով, քան՝ ամբողջ ժողովուրդի մը ճակատագիրով եւ համաշխարհային քաղաքակրթութիւնը հարստացուցած անոր դարաւոր արժէքներով:



«Մենակ ենք եւ պետք է ապահանենք միա՛յն մեր ուժերին» պատգամը՝ անկրկնելի Արամ Մանուկեանի բառերով, այսօր, աւելի քան երբեք, թելադրական է ու այժմէական:

Արցախի մանուկներուն, ինչպէս մեծահասակներուն կարիքներուն հասնիլը համազգային պարտաւորութիւն է: Մեր պետութեան եւ ոչ-կառավարական կազմակերպութիւններուն պարտքն ու պատասխանատւութիւնն է:

Հ.Մ.Ը.Մ., իբրեւ հայ իրականութեան մարմնակրթական մեծագոյն միութիւն, Արցախեան պատերազմի առաջին օրէն լծուեցաւ տենդագին աշխատանքի, Հայաստան ապաստանած գաղթականներուն կարիքները հոգալու եւ անոնց մատղաշ պատանիներուն ընկերային-դաստիարակչական ծրագիրներ ներկայացնելու համար: Գործը, իբրեւ հիմնական առաջնահերթութիւն, այսուհետեւ պիտի շարունակուի նոր թափով՝ ընդգրկելու համար շատ աւելի լայն շերտեր, գոհացնելու համար շատ աւելի լայն կարիքներ, Հայաստանի թէ Արցախի մէջ:

Հ.Մ.Ը.Մ. բոլոր միջոցներով պատրաստ է իր առաջադրած նպատակը մինչեւ վերջ իրագործելու, շնորհիւ Հայաստանի իր միաւորին՝ Հ.Մ.Ը.Մ.-Հ.Ա.Ս.Կ.ի ժրաջան աշխատանքին եւ աշխարհասփիւռ մասնաճիւղերու նիւթաբարոյական անսակարկ աջակցութեան, որպէսզի արցախցի հայրենագուրկ մանուկը օր առաջ ճակատէն սրբէ պարտութեան դառնութիւնը, թօթափէ վիշտի ու կարեկցութեան ամօթը եւ ապրի արժանապատիւ կեանքով ու մանկութեամբ, իր բոլոր երագները իրականութիւն դարձնելու անպարտելի կամքով:

Վերականգնեալ ու վերածաղկեալ Արցախ մը ունենալու իր ու բոլորի՛ս արդար իրաւունքով:



**Հ.Մ.Ը.Մ.ի
ԳԵՂՈՒՆԱԿԵՆ
ՎԵՐՉՈՒԹԻՒՆ**



**ՊԻՏԻ ՇԱՐՈՒՆԱԿԵՆԸ ԱՊՐԻՂ
ՊԻՏԻ ՇԱՐՈՒՆԱԿԵՆԸ յԱՊՅԵՂ
ՆՈՐ ՏՅՈՐ, 2021**

Գալի Բազումբեւ Հ.Մ.Ը.Մ. Պարտի

Հ.Մ.Ը.Մ.Ի ԿԵԴՐՈՆԱԿԱՆ ՎԱՐՉՈՒԹԵԱՆ ԱՌՑԱՆՑ ՀԱՆԴԻՊՈՒՄ՝ ԱՐՑԱԽԻ ՆԻԹՈՎ



Շաբաթ, 24 Հոկտեմբերին, Հ.Մ.Ը.Մ.Ի Կեդրոնական Վարչությունը առցանց հանդիպում մը կատարեց Արցախի նիւթով:

Հանդիպումին սկիզբը, Կեդրոնական Վարչութեան ատենապետ եղբ. Վաչէ Նաճարեան զեկուցեց Երեքշաբթի, 20 Հոկտեմբերին, Կեդրոնական Վարչութեան դիւանին Հ.Մ.Ը.Մ.-Հ.Ա.Ս.Կ.ի վարչութեան հետ կատարած առցանց հանդիպումին մասին, նշելով, որ Հ.Մ.Ը.Մ.-Հ.Ա.Ս.Կ.ը այս օրերուն լծուած է Արցախէն ժամանակաւորապէս Հայաստան տեղափոխուած 280 ընտանիքի օժանդակութեան գործին: Հ.Մ.Ը.Մ.-Հ.Ա.Ս.Կ. կիրակնօրեայ իր հաւաքներով արցախցի բազմատասնեակ մանուկներու կը փոխանցէ նաեւ ընկերային-դաստիակչական ծրագիրներ:

Օրակարգի քննարկման անցնելէ առաջ, հանդիպումին մասնակիցները ոգեկոչեցին յիշատակը Արցախի ինքնապաշտպանութեան կռիւներուն հերոսաբար նահատակուած Հ.Մ.Ը.Մ.-Հ.Ա.Ս.Կ.ի վարչական եղբայրներէն Գեորգ Հաճեանի, սկաւտներ Գրիգոր Ղազարեանի եւ Էրիկ Գալստեանի: Անոնք իրենց գնահատանքը յայտնեցին նաեւ Հ.Մ.Ը.Մ.-Հ.Ա.Ս.Կ.ի վարչութեան, որ հայութեան եւ Հայաստանին համար այս դժուարին օրերուն, հաւատարիմ իր առաքելութեան, կը կատարէ երախտաշատ գործ:

Այնուհետեւ, ժողովականները քննարկեցին Արցախի պատերազմին լոյսին տակ Հ.Մ.Ը.Մ.ի աշխարհահատարած մասնաճիւղերուն կատարած եւ յառաջիկային կատարելիք քարոզչական, դաստիարակչական եւ ցուցական աշխատանքները: Ճշդութեամբ նաեւ Հայաստանի եւ Հ.Մ.Ը.Մ.-Հ.Ա.Ս.Կ.ի օժանդակութեան գործնական ձեւեր:

Աւարտին, որոշուեցաւ առցանց հանդիպումին որոշումները յառաջիկայ Շաբաթ, 31 Հոկտեմբերին ներկայացնել միութեան Շրջանային եւ Մեկուսի Վարչութիւններու ատենապետներու առցանց հանդիպումին



Հ.Մ.Ը.Մ.-ի ԿԵԴԴՈՆԱԿԱՆ ՎԱՐՉՈՒԹԻՒՆԸ ՎԱՐՉԱՊԵՏ ՓԱՇԽՆԱՆԻ
ՀՐԱԺԱՐԱԿԱՆԸ ՊԱՀԱՆՁՈՂ ՅՈՒՇԱԳԻՐ ՄԸ ԿԸ ՅԱՆՁՆԷ ԼԻԲԱՆԱՆԻ
ՄԷՋ ՀԱՅԱՍՏԱՆԻ ԴԵՍՊԱՆԱՏԱՆ



Ուրբաթ, 4 Դեկտեմբերի յետմիջօրէին, Հ.Մ.Ը.Մ.ի Կեդրոնական Վարչութիւնը ներկայացնող պատուիրակութիւն մը, բաղկացած դիւանի անդամներ եղբայրներ Վաչէ Նաճարեանէ, Վիգէն Աւագեանէ եւ քոյր Թալին Օրտոդլեանէ, այցելեց Լիբանանի մէջ Հայաստանի դեսպանատուն եւ դեսպան Վահագն Աթաբէկեանին յանձնեց Հայաստանի վարչապետ Նիկոլ Փաշինեանին հրաժարականը պահանջող յուշագիր մը, որուն մէջ կ'ըսուի.-

Շատ պիտի փափաքէինք Արցախեան պատերազմէն ետք ձեզի ուղղուած այս պաշտօնական գիրով շնորհաւորել ձեզ եւ հայկական քաջարի մեր բանակը՝ Արցախի մէջ արձանագրուած յաղթանակին համար:

Շատ պիտի ուզէինք շնորհաւորել ձեր կառավարութիւնը՝ «Նոր պատերազմ, նոր տարածքներ» տեսլականին իրագործման համար:

Շատ պիտի ուզէինք շնորհաւորել նաեւ մեր ժողովուրդը, ինչպէս Արցախի պատերազմին ամբողջ տեւողութեան, նաեւ պատերազմէն ետք իր դրսեւորած համահայկական միասնականութեան եւ ազգային համերաշխութեան համար: Սակայն, իրականութիւնները կը պարտադրեն այլ բան:

9 Նոյեմբերին, մեր հայրենիքը, յանձինն ձեզի, ստորագրած է իր պատմութեան ամենէն անձնատուական եւ նուաստացուցիչ համաձայնագիրներէն մէկը: Մեր բանակն ու զինեալ ուժերը կրած են ծանր պարտութիւն՝ իրենց ետին ձգելով բազմահազար զոհեր, վիրաւորներ, հաշմանդամներ, անյայտ կորսուածներ, գերիներ եւ գաղթականներ:

«Նոր պատերազմ, նոր տարածքներ» տեսլականը յաջողութեամբ իրագործած է թշնամի՝ն, հայութենէն խլելով ծով արեամբ եւ անասելի զոհաբերութեամբ ձեռք բերուած, ռազմավարական նշանակութեամբ հողատարածքներ, որոնք Արցախի ու Հայաստանի հողային անվտանգութիւնը կ'երաշխաւորեն եւ մեր ժողովուրդին խաղաղ ու ապահով զարգացումը կ'ապահովեն:

Այս բոլորին արդիւնքով ստեղծուած է համաժողովրդային բողոքի, զայրոյթի եւ ընդվզումի ալիք՝ կացութեան մեղաւորները ճշդելու եւ զանոնք պատասխանատուութեան ենթարկելու պահանջով: Հիասթափութիւնն ու յուսահաբութիւնը ամենուրեք է: Մեր ժողովուրդը, արդարօրէն, կ'ուզէ գիտնալ, թէ այդ ի՞նչպէս պատահեցաւ, որ «Յաղթելու ենք» որոշումով ճամբայ ելած համահայկական պատերազմը աւարտեցաւ չափազանց անփառունակ, «Յանձնելու ենք» որոշումով: Հայ ժողովուրդին կարելոր մէկ մասնիկն ալ կը կազմէ Հայ Մարմնակրթական Ընդհանուր Միութիւնը՝ Հ.Մ.Ը.Մ.ը, որ պատերազմի ամբողջ տեւողութեան զօրաշարժի ենթարկեց աշխարհասփիւր իր 111 մասնաճիւղերը եւ նիւթաբարոյական որեւէ աջակցութիւն չզլացաւ գոյամարտի յաղթական ելքին ապահովման: Հ.Մ.Ը.Մ.ի Հայաստանի միաւորը՝ Հ.Մ.Ը.Մ.-Հ.Ա.Ս.Կ.ը առաջնագիծի հայ կամաւորներուն ապահովեց անմիջական անհրաժեշտութեան իրեր: Զբաղեցաւ Արցախէն գաղթական ընտանիքներու ընկերային ծանր վիճակով եւ անոնց պատանիներու դաստիարակչական ծրագիրներով:

Ազգային պարտքի գիտակցութեամբ, Հ.Մ.Ը.Մ.ականներ «Հայաստան Համահայկական Հիմնադրամ»ին, Արցախին ու հայկական բանակին կատարեցին նկատառելի նուիրատուութիւններ, հայկական դեսպանատուներու եւ համայնքներու պատասխանատու մարմիններու հետ գործակցաբար մասնակցեցան Արցախի ի նպաստ ցուցական-քարոզչական նախաձեռնութիւններու, իսկ երբ անոնցմէ պահանջուեցաւ աւելի՛ն, անոնք բնաւ չսակարկեցին եւ տուին ամէնէն թանկագինը՝ սեփական կեանքը: Հ.Մ.Ը.Մ. հայ հողին, հայ սահմանին եւ հայ մարդու պաշտպանութեան կոծկներուն ընծայաբերեց 10 նահատակներ, որոնք իրենց սրբազան արեամբ գրեցին նորօրեայ մեր պատմութեան սխրալի էջերը:



Հայրենիքի հանդէպ իր բարոյական պարտքն ու պարտականութիւնը կատարած Հ.Մ.Ը.Մ.ը այսուհետեւ եւս պիտի շարունակել գործել ի սպաս հայրենիքի, ի խնդիր հզօր Հայաստանի եւ վերականգնեալ ու վերածաղկեալ Արցախի, հաւատարիմ իր պատմական առաքելութեան եւ դաւանած ազգային արժէքներուն:

Հ.Մ.Ը.Մ.ի այս հաստատակամութիւնը, սակայն, կ'ենթադրէ համազգային վստահութիւն ներշնչող, արժանապատիւ իշխանութեան մը ներկայութիւնը երկրի առաջնորդող ղեկին, ինչ որ այսօր կը բացակայի՝ պարտուած, վարկաբեկուած եւ ժողովուրդի լայն շերտերէն մերժուած ներկայ ղեկավարութեամբ:

Արդ, Հ.Մ.Ը.Մ. կը պահանջէ իշխանութեան ինքնակամ եւ անցնցում հեռացումը, որպէսզի կարելի ըլլայ ներքաղաքական իրավիճակը խաղաղեցնել եւ ազգային բոլոր ուժերու համախմբումով կազմել հայրենիքի փրկութեան կառավարութիւն մը, որ պիտի կարենայ մեր երկիրն ու ժողովուրդը դուրս բերել իր ներկայ օրհասական վիճակէն:



Սարերը մեր չեն մնար անտէր

#ՀԱՐԹԵԼՈՒԵՆՔ

#ՊիտիՅաղթենք

ԵՐԹԸ ՊԻՏԻ ՇԱՐՈՒՆԱԿՈՒԻ ՅՈՅՍՈՎ,
 ՀԱԻԱՏՔՈՎ ԵՒ ԱՆՍԱՀՄԱՆ ՆՈՒԻՐՈՒՄՈՎ
 (Հ.Մ.Ը.Մ.Ի ԿԵԴՐՈՆԱԿԱՆ ՎԱՐՉՈՒԹԵԱՆ ՊԱՏԳԱՄԸ՝
 ՄԻՈՒԹԵԱՆ ՀԻՄՆԱԴՐՈՒԹԵԱՆ 102-ԱՄԵԱԿԻՆ ԱՌԻԹՈՎ)



Տօնական տրամադրություններէ ամբողջովին հեռու, մեր ժողովուրդին եւ հայրենիքին համար օրհասական պայմաններու մէջ, կը նշենք Հ.Մ.Ը.Մ.Ի հիմնադրութեան 102-ամեակը:

102 տարի առաջ, այս օրերուն, նորանկախ Հայաստանի հետ ծնունդ կ'առնէր Հայ Մարմնակրթական Ընդհանուր Միութիւնը՝ Հ.Մ.Ը.Մ.ը, անմիջապէս լծուելով Ցեղասպանութեան զոհ գացած մեր ժողովուրդի գաւակներուն՝ հազարաւոր որբերու փրկութեան, դաստիարակութեան եւ հոգեմտաւոր կազմաւորման աշխատանքին: Հ.Մ.Ը.Մ. ծնունդ կ'առնէր հայրենիքէն հեռու, Պոլսոյ մէջ, սակայն առաջին օրէն ան կը ձեռնարկէր հայրենի ժողովուրդի, պետականութեան եւ բանակին օժանդակութեան գործին, հաւատարիմ իր նշանաբանին՝ «Բարձրացի՛ր-բարձրացուր»-ին եւ սկաուտական խոստումին՝ ազգին ու Հայրենիքին ծառայելու պարտաւորութեան: Ծառայութեան ճամբուն վրայ Հ.Մ.Ը.Մ. Հայաստանին կը ներկայացնէր իր լաւագոյն տարրերը՝ փորձառու խմբապետներն ու սկաուտները, որոնք կը յաջողէին գաղթական, որբ ու թշուառ պատանիներէն ստեղծել «Կամաւոր բանակ»-ը հայոց նորագոյն պատմութեան:

Բանակ մը, որ պիտի գործէր անդուլ եւ անվհատ, Հայրենիքի մէջ եւ Հայրենիքի խորհրդայնացումէն ետք՝ Հայրենիքէն դուրս, հայկական Սփիւռքի տարածքին, ամենուրեք պահապանն ու պաշտպանը հանդիսանալով միութեան դաւանած արժէքներուն եւ հայ ժողովուրդի սրբազան նպատակներուն:

Այսպէս, Մայիս 28-ը, Եռագոյն դրօշը, անկախ Հայրենիքը, հողահաւաքը եւ հայահաւաքը պիտի հանդիսանային Հ.Մ.Ը.Մ.Ի «Կամաւոր բանակ»-ին առաջնորդող սկզբունքները, որոնցմով հասակ պիտի առնէին եւ միութենական դաստիարակութիւն ստանային «Կամաւորական բանակ»-ի յաջորդական սերունդները, իրենց շարքերէն ծնունդ տալով նուիրեալներու, հայ ժողովուրդի ազգային հպարտութիւն ներշնչող դէմքերու եւ անձնագոհ նահատակներու՝ Վահան Չերազէն մինչեւ Վարդգէս Տէր Կարապետեան, Լիբանանի եւ Սուրիոյ հայութեան ինքնապաշտպանութեան ճակատներուն վրայ ինկած հերոսներէն մինչեւ Արցախեան առաջին պատերազմի նահատակները՝ Վարդան Բախշեանն ու Վաչէ Ռոստոմեանը, Վիգէն Զաքարեանն ու Յակոբ Առուստամեանը:

Ներկան տարբեր չէ երէկուան իրականութենէն: Արցախեան նորագոյն պատերազմին Հ.Մ.Ը.Մ.Ի «Կամաւոր բանակ»-ը դարձեալ պատնէշի վրայ է եւ իր համահայկական կառոյցով դերակատար ու մասնակից է «Լինել-չլինելու» համահայկական մեր պայքարին:

Հ.Մ.Ը.Մ. աշխարհասփիւռ իր 111 մասնաճիւղերով զօրաշարժի մէջ է 27 Սեպտեմբերի առաւօտեան կանուխ ժամերէն սկսեալ, Արցախի, Հայաստանի եւ Սփիւռքի իր բովանդակ կարողականութիւնները ի սպաս դնելով պատերազմին յաղթական ելքին:



Մփիւոքի մէջ, Հ.Մ.Ը.Մ. հայկական դեսպանատուներու, Հայ Դատի մարմիններու եւ տեղական պատասխանատու կառոյցներու հետ գործակցաբար, մասնակից է թուրք-ազրպէյճանական պատերազմը դատապարտող ցոյցերուն եւ քարոզչական այլազան նախաձեռնութիւններուն: Հ.Մ.Ը.Մ.ի մասնաճիւղեր կը կատարեն դաստիարակչական-տեղեկատուական հսկայական աշխատանք՝ ընկերային ցանցերով իրենց շարքերն ու համակիր շրջանակները տեղեկ պահելու համար Արցախեան պատերազմի վերջին նորութիւններուն: Սկաուտներ ու մարզիկներ նամակներ կը գրեն հայկական բանակի զինուորներուն, անդամական շարքեր լիաբուռն կը մասնակցին «Հայաստան Համահայկական Հիմնադրամ»-ի եւ Արցախի օժանդակութեան համար կատարուող դրամահաւաքներուն: Բոլորը, անխտի՛ր բոլորը կ'աշխատին՝ յանուն Արցախին եւ յանուն հայութեան:

Արցախի մէջ, Յուլիս 2019-ին հիմնուած Հ.Մ.Ը.Մ.ի դեռատի մասնաճիւղը արդէն իսկ իր արեան տուրքը տուած է արիւնալի պատերազմին, նահատակութեան բազինին ընծայելով մասնաճիւղի անդրանիկ վարչութեան անդամ եղբ. Արտակ Իշխանեանը:

Մինչ Հայաստանի մէջ, հսկայական ու հերոսական աշխատանք կը կատարեն Հ.Մ.Ը.Մ.-Հ.Ա.Ս.Կ.ի մասնաճիւղերը՝ պատերազմի առաջին օրէն ձեռնարկելով բազմաճիւղ աշխատանքի: Արդարեւ, Հ.Մ.Ը.Մ.-Հ.Ա.Ս.Կ.ի վարչութիւնը ժողովրդային հանգանակութեամբ կ'ապահովէ եւ ռազմաճակատ կ'ուղարկէ հայ զինուորին անհրաժեշտ հանդերձեղէն եւ պահածոյ ուտելիքներ: Վարչութիւնը կը հոգայ Արցախէն ժամանակաւորապէս Հայաստան տեղափոխուած 500 ընտանիքի պարէնային եւ տնտեսական անմիջական անհրաժեշտութեան ապրանքներ: Ու նաեւ, վարչութիւնը կը կազմակերպէ սկաուտական եւ գայիկական տարիքի արցախցի երեխաներու ընկերային-դաստիարակչական ծրագիրներ:

Այս բոլորը կը կատարուին նիւթական մեծ զոհողութիւններով, կազմակերպչական գնահատելի ջանքով եւ ծառայութեան անսպառ ոգիով: Կը կատարուին սկաուտներու կողմէ, որոնց պատասխանատուներէն շատերը, իբրեւ հայկական բանակի զինուորագրեալ անդամներ, Արցախի պաշտպանութեան համար իրենց ամէնէն թանկագինը՝ գարուն կեանքերը կը զոհաբերեն հայրենիքին ու հայութեան: Այդ խմբապետներէն ու պատասխանատուներէն հինգը այսօր արդէն կ'ապրին երկրորդ կեանքով, որ կը կոչուի անմահութիւն: Վարչական եղբայր Գեորգ Հաճեան, սկաուտներ Գրիգոր Ղազարեան, Էրիկ Գալստեան, Արտակ Մարտիրոսեան եւ Հայկ Դերիկլեան մահուամբ մահուա՛ն յաղթելով այլեւս կը պատկանին Հ.Մ.Ը.Մ.ի եւ հայութեան անմահ հերոսներու փառանգին, իրենց կեանքով ու օրինակով դառնալով ներշնչման աղբիւր գալիք սերունդներուն:

Արդ, իր հիմնադրութեան 102-ամեակը միութեան անմահներու յիշատակին նուիրելով, Հ.Մ.Ը.Մ.ի ընտանիքը այսօր կը խոնարհի իր հին ու նոր բոլոր հերոսներու սիրանքներուն դիմաց եւ աշխարհով մէկ կազմակերպուած հոգեհանգստեան պաշտօններով եւ հաւաքներով կու գայ հաստատելու, որ իւրաքանչիւր նահատակի հետ մեծցած է պատասխանատուութեան իր բաժինը՝ հանդէպ իր ժողովուրդին եւ անոր բազմաչարչար հայրենիքին:

Հ.Մ.Ը.Մ. կու գայ հաստատելու նաեւ, որ ան պիտի շարունակէ 1918-ին սկսած իր երթը՝ յոյսով, հաւատքով եւ անսահման նուիրումով, որպէսզի մինչեւ հիմնադրութեան յաջորդ տարեդարձ, եւ նորանոր ամեակներ, հայութեան «Կամաւոր բանակ»-ը կարենայ Եռագոյն դրօշը հպարտօրէն կոթողել «Կատարն հայրենի լեռանց հեռագոյն»:

Ու որպէսզի կիսատ չմնայ Վարդանին, Վիգէնին, Գեորգին, Արտակին եւ Հ.Մ.Ը.Մ.ական բոլոր նահատակներուն գործը եւ անպայման, ուշ կամ կանուխ, ազգովին նշենք մեր Մեծ յաղթանակը, յանուն մեր նահատակներուն, յանուն մեր վաղուան օրուան, յանուն մեր պետականութեան եւ Ազատ, Անկախ ու Միացեալ Հայաստանին:

ԼՈՅՍ ՏԵՍԱԻ

ՄԱՐԶԻԿ

39-րդ տարի, Թիւ 418-419

102-ամեակի պատգամ- Հ.Մ.Ը.Մ.ի

Կեդրոնական Վարչություն
Խմբագրական- Փրկելու համար
կորսուած, չապրուած մանկությունը
Փառք նահատակաց

- Արցախեան պատերազմի

Հ.Մ.Ը.Մ.ական տասը նահատակներու
յիշատակին

-Հ.Մ.Ը.Մ.ի «կամաւոր բանակ»-ը ի
սպաս՝ Արցախի համահայկական
կռիւին

-Արցախի նիւթով առցանց
հանդիպում

-Հաղորդագրութիւն- Հ.Մ.Ը.Մ.-

Հ.Ա.Ս.Կ.ի Կեդրոնական Վարչություն
Արցախէն գաղթած պատանիներու
կիրակնօրեայ հաւաքներ Երեւանի մէջ
Արցախի հետ, հայութեան համար
(Ձեռնարկներ, ցոյցեր, զօրակցութիւն, դաստիարակչական, մոմավառութիւններ,
հոգեհանգիստներ)

Պէյրութի մաս...

-Հ.Մ.Ը.Մ.ի Կեդրոնական Վարչութեան եւ Լիբանանի Շրջանային Վարչութեան
հաղորդագրութիւններ

-Հ.Մ.Ը.Մ.ի ընտանիքին զօրակցագիրներ (Պէյրութի պայթումին առիթով)

-Հաղորդագրութիւն- Հ.Մ.Ը.Մ.ի Կեդրոնական Վարչություն

-Քորոնայի Հ.Մ.Ը.Մ.ական երեք զոհերը

-Համա-Հ.Մ.Ը.Մ.ական սկաուտական խմբապետական առցանց համագումար

-Հ.Մ.Ը.Մ.ի գործունէութիւնը մայր հայրենիքի մէջ. 1918-1927 (Բ. մաս)- Յարութ
Չէքիճեան

-«Կամաւոր բանակ»-էն անդին- Նժդէհ Մկրտիչեան

-Մեր կորուստները / Սարգիս Պասմաճեան, Զաւէն Տէրվիշեան, Քնար
Ֆուռունճեան-Քէօշկերեան, Հրայր Սողոմոնեան, Զոհրապ Անտոնեան, Լեւոն
Ալթունեան եւ Հրանդ Վարդանեան

Թիւր կ'ընդգրկէ նաեւ Հ.Մ.Ը.Մ.ական կեանքի անդրադարձներ (Հայաստան,
Արցախ, Մոսկուա, Ալմէյլօ, Վիեննա, Մ. Նահանգներ, Սուրիա, Գանատա,
Աւստրալիա, Երուսաղէմ): 96 էջ



Հաղորդակցութիւն

Նեղերլադներում Հ.Մ.Ը.Մ.-ի մասնաճիւղերը կը պահանջեն իշխանութեան ինքնակամ եւ անցնցում հեռացումը Հայ Մարմնակրթական Ընդհանուր Միութիւնը՝ Հ.Մ.Ը.Մ.-ը, իր աշխարհասփիւռ բոլոր մասնաճիւղերը, որպէս Հայ ժողովուրդին կարելոր մէկ մասնիկ, պատերազմի ամբողջ տեսողութեան, զօրաշարժի ենթարկուեց եւ որեւէ աջակցութիւն չզլացաւ գոյամարտի յաղթական ելքին ապահովման համար:



Հ.Մ.Ը.Մ.-ի Հայաստանի միաւորը՝ Հ.Մ.Ը.Մ.-Հ.Ա.Ս.Կ-ը առաջնագիծի հայ կամաւորներուն ապահովեց անմիջական անհրաժեշտութեան իրեր: Զբաղեցաւ Արցախէն գաղթական ընտանիքներու ընկերային ծանր վիճակով եւ անոնց պատանիներու դաստիարակչական ծրագիրներով:

Ազգային պարտքի գիտակցութեամբ, Հ.Մ.Ը.Մ.-ականներ «Հայաստան Համահայկական Հիմնադրամ»-ին, Արցախին ու հայկական բանակին կատարեցին ուշագրավ նուիրատուութիւններ, հայկական դեսպանատուներու եւ համայնքներու պատասխանատու մարմիններու հետ գործակցաբար մասնակցեցան Արցախին ի նպաստ ցուցական-քարոզչական նախաձեռնութիւններու, իսկ երբ անոնցմէ պահանջուեցաւ աւելի՛ն, անոնք բնաւ չսակարկեցին եւ տուին ամէնէն թանկագինը՝ սեփական կեանքը:

Հ.Մ.Ը.Մ. հայ հողին, հայ սահմանին եւ հայ մարդու պաշտպանութեան կռիւներուն ընծայաբերեց 10 նահատակներ, որոնք իրենց սրբազան արեամբ գրեցին նորօրեայ մեր պատմութեան փառապանծ էջերը:

Հ.Մ.Ը.Մ.-ի այս հաստատակամութիւնը, սակայն, կ'ենթադրէ համազգային վստահութիւն ներշնչող, արժանապատիւ իշխանութեան մը ներկայութիւնը երկրի առաջնորդող ղեկին, ինչ որ այսօր կը բացակայի՝ ի դէմս պարտուած, վարկաբեկուած եւ ժողովուրդի լայն շերտերէն մերժուած ներկայ ղեկավարութեան: Արդ, Հ.Մ.Ը.Մ. կը պահանջէ իշխանութեան ինքնակամ եւ անցնցում հեռացումը, որպէսզի կարելի ըլլայ ներքաղաքական իրավիճակը խաղաղեցնել եւ ազգային բոլոր ուժերու համախմբումով կազմել հայրենիքի փրկութեան կառավարութիւն մը, որ պիտի կարենայ մեր երկիրն ու ժողովուրդը դուրս բերել իր ներկայ օրհասական վիճակէն:

Հայրենիքի հանդէպ իր բարոյական պարտքն ու պարտականութիւնը կատարած Հ.Մ.Ը.Մ.-ը այսուհետեւ եւս պիտի շարունակի գործել ի սպաս հայրենիքի, ի խնդիր հզօր Հայաստանի եւ վերականգնեալ ու վերածաղկեալ Արցախի, հաւատարիմ իր պատմական առաքելութեան եւ դաւանած ազգային արժեքներուն: Նեղերլադներում Հ.Մ.Ը.Մ.-ի մասնաճիւղեր՝

Հ.Մ.Ը.Մ. Ալմէլօ

Հ.Մ.Ը.Մ. Ալքմար

Հ.Մ.Ը.Մ. Արնհեմ

Ցաւակցութիւն



Յաւերժ փառք, Եղբայրներ:



Հ.Մ.Ը.Մ.ի մեծ ընտանիքը կը սգայ Արցախեան պատերազմին ընկած հերոսներուն եւ Հ.Մ.Ը.Մ.ական նահատակներ՝


Եղբայր Գէորգ Յաճեան
Եղբայր Գրիգոր Ղազարեան
Եղբայր Էրիկ Գալստեան
Եղբայր Արտակ Մարտիրոսեան
Եղբայր Յայկ Դելրիկեան
Եղբայր Արտակ Իշխանեան
Եղբայր Արմեն Առուստամեան
Եղբայր Յարութ Բանոյեան
Եղբայր Յակոբ Ասթարճեան
Եղբայր Մոսիկ Սեբեմեան

Հ.Մ.Ը.Մ. Ալմելօ Մեկուսի Շրջանի կողմէ, խորհին ցաւակցութիւն կը յայտնենք բոլոր Արցախի պատերազմի նահատակներու ընտանիքներուն: Կը խոնհարինք ամեն զոհուած հերոսի առջեւ ով նուիրեց ամենաթանկագինը մեր ազգին համար:

Յաւերժ փառք, Եղբայրներ:

Մոմավառութիւն

22 Նոյեմբեր 2020 Թ.ին , Հ.Մ.Ը.Մ. Ալմելո-ի սկաւտները իրենց մասնակցութիւնը բերին Ալմելո-ի Հայ Առաքելական Եկեղեցւոյ քակին մէջ տեղադրուած հայոց ցեղասպանութեան յուշահամալիրին մօտ, Նեղուանտների Հ.Յ.Դ. Գարեգին Նժդէհ երիտասարդական միութեան կազմակերպուած ի յիշատակ Արցախեան ազատագրական պատերազմի հերոս նահատակներու մոմավառութեան ձեռնարկին:



ՄԱՀԱԶԴ

Հ.Մ.Ը.Մ.ի Կեդրոնական Վարչութիւնը կը գումէ միութեան երկար տարիներու Կեդրոնական Վարչութեան ատենապետ, բազմավաստակ Հ.Մ.Ը.Մ. ական՝

ԵՂԲ. ԳԱՌՆԻԿ ՄԿՐՏԻՉԵԱՆԻ

մահը, որ պատահեցաւ Չորեքշաբթի, 6 Յունուար 2021-ին:

Ցաւակցագիրները փոխանցել ե-նամակի հետեւեալ հասցէին՝ office@homenetmen.org



«Հ.Մ.Ը.Մ.Ի ԵՂԲ. ԳԱՌՆԻԿ ՄԿՐՏԻՉԵԱՆ ՖՈՆՏ»

Առ ի յիշատակ նորոգ հանգուցեալ եղբ. Գառնիկ Մկրտիչեանի, Հ.Մ.Ը.Մ.ի Կեդրոնական Վարչութեան որոշումով ստեղծուած է յատուկ ֆոնտ մը, որուն կանոնագրութիւնն ու աշխատանքի եղանակը կը մշակուին շուտով:

Այս առիթով, Մկրտիչեան ընտանիքին եւ Հ.Մ.Ը.Մ.ի Կեդրոնական Վարչութեան փափաքն է, որ փոխան ծաղկեպսակի, եղբոր յուղարկաւորութեան առիթով կատարուելիք նուիրատուութիւնները հասցեագրուին այս ֆոնտին՝ միութենական օգտակար եւ մնայուն ծրագիրով մը յաւերժացնելու համար Հ.Մ.Ը.Մ.ի Կեդրոնական Վարչութեան նախկին ատենապետին վաստակն ու յիշատակը:

Արտերկրի պարագային, նուիրատուութիւնները կարելի է փոխանցել դրամատնային հետեւեալ հաշիւին.-

CREDIT LIBANAIS S.A.L. in BEIRUT - LEBANON

Customer: Mm Comite Central Du Homentmen

Account: 0012002778002

Branch: BOURJ HAMMOUD

IBAN: LB43 0053 00CA USD0 0120 0277 8002

SWIFT Code (BIC): CLIBLBBX

Currency: USD

ՑԱԻԱԿՅՈՒԹԻՒՆ

Հ.Մ.Ը.Մ.-ի Ալմելօ-ի մեկուսի շրջանի վարչութիւնը եւ անդամները կը գումէն մահը վաստակաշատ ՀՄԸՄ-ական եղբ. Գառնիկ Մկրտիչեանին, որ պատահեցաւ Չորեքշաբթի 6 Յունուար 2021-ին:

Հ.Մ.Ը.Մ. Ալմելօն իր խորագգաց ցաւակցութիւնները կը յայտնէ հաւատաւոր եղբոր ընտանիքին, հարազատներուն, ՀՄԸՄ-ի Կեդրոնական Վարչութեան եւ ողջ ՀՄԸՄ-ականներուն:

Յիշատակն արդարոց օրհնութեամբ եղիցի:



ՅԵՏ ՄԱՀՈՒ Հ.Մ.Ը.Մ.Ի «ԱՐԺԱՆԵԱՅ»
ԵՒ ՄԵԾԻ ՏԱՆՆ ԿԻԼԻԿԻՈՅ «ԱՍՊԵՏ»Ի
ՇՔԱՆՇԱՆ՝ ԵՂԲ. ԳԱՌՆԻԿ ՄԿՐՏԻՉԵԱՆԻՆ
Ուրբաթ, 8 Յունուար 2021-ին տեղի ունեցաւ
Հ.Մ.Ը.Մ.Ի Կեդրոնական Վարչութեան նախկին
ատենապետ եղբ. Գառնիկ Մկրտիչեանի վերջին
հրաժեշտը՝ ազգային յուղարկաւորութիւնն ու
թաղումը, որուն աւարտին, յետ մահու, Հ.Մ.Ը.Մ.Ի
Կեդրոնական Վարչութեան որոշումով նորոգ
հանգուցեալ վաստակաշատ եղբոր շնորհուեցաւ
միութեան բարձրագոյն՝ «Արժանեաց» շքանշանը:
Յընթացս յուղարկաւորութեան, Մեծի Տանն
Կիլիկիոյ Արամ Ա. Հայրապետ, Անթիլիասի Ս. Գրիգոր Լուսաւորիչ Մայր Տաճարին
մէջ, նորոգ հանգուցեալ եղբայրը պատուեց կաթողիկոսութեան «Ասպետ»ի շքանշանով:
Նշենք, որ եղբ. Գառնիկ 2012-ին արժանացած էր Սփիւռքի նախարարութեան ոսկէ
շքանշանին, իսկ 2015-ին՝ Հայաստանի Հանրապետութեան նախագահին
«Երախտագիտութեան» շքանշանին:



Նոր կեդրոնի շինարարություն

Նորակառոյց կեդրոնի շինարարութեան աշխատանքները շարունակուեցան մեծ թափով եւ ծրագրուած ժամանակացույցով անցեալ 4 ամիսներու ընթացքին: Շէնքը արդէն իր արտաքին տեսքը ստացած է , եւ մեծ հնարաւորութիւն կա շինարարութեան աւարտին հասնիլը Մայիս ամսու սկիզբը :

Ինչպէս նախկինում ասել ենք , հիմա էլ կը կրկնենք մեր կոչը բոլոր ՀՄԸՄ ի եղբայր եւ քոյրերուն եւ բարերարներուն շարունակել իրենց նուիրատութիւնները որպէսզի հասնինք շէնքի աւարտին սպասուելիք ժամանակին:







Մարզական



Սեպտեմբեր ամսից ,
համաճառակի պատճառով
դադարեցան բոլոր
մարզական խաղերը եւ
պարապումները :

Միթինը մշտական
կապի մէջ է Ֆութբոլի
ֆեդերեցեայի հետ
ստանալու թարմ եւ արդի
նորութիւնները եւ
հրահանգները:



Նոր տարուայ առթիւ ստացանք videomassage մը Ֆութբոլի ֆեդերեցեայից,
ուր Նեդէլանտների հաւաքականի մարզիչը Frank de Boer ը իր ջերմ
շնորհաւորանքները եւ մախթանքերը ուղղեց ՀՍՀՄ Ալմէլոյի մասնայճիւղին:



Քրիստոս ծնաւ եւ յայտնեցաւ
Ձեզ եւ մեզ մեծ Աւետիս



Հ.Մ.Ը.Մ. Արմէօ Մեկուսի Երջանի Վարչութիւնն



ԲՈՎԱՆԴԱԿՈՒԹԻՒՆ

- ⇒ Երթը շարունակելու է.
- ⇒ ՓԲԿԵԼՈՒ ՀԱՄԱՐ ԿՈՐՍՈՒԱԾ, ՉԱՊՐՈՒԱԾ ՄԱՆԿՈՒԹԻՒՆԸ (Խմբագրական «Մարզիկ»ի թիւ 418-419-ի)
- ⇒ Հ.Ս.Ը.Մ.Ի ԿԵԴՐՈՆԱԿԱՆ ՎԱՐՉՈՒԹԵԱՆ ԱՌՑԱՆՑ ՀԱՆԴԻՊՈՒՄ՝ ԱՐՑԱԽԻ ՆԻԹՈՎ
- ⇒ Հ.Ս.Ը.Մ.Ի ԿԵԴՐՈՆԱԿԱՆ ՎԱՐՉՈՒԹԻՒՆԸ ՎԱՐՉԱՊԵՏ ՓԱՇԻՆԵԱՆԻ ՀՐԱԺԱՐԱԿԱՆԸ ՊԱՀԱՆՋՈՂ ՅՈՒՇԱԳԻՐ
- ⇒ (Հ.Ս.Ը.Մ.Ի ԿԵԴՐՈՆԱԿԱՆ ՎԱՐՉՈՒԹԵԱՆ ՊԱՏԳԱՍԸ՝ ՄԻՈՒԹԵԱՆ ՀԻՄՆԱԴՐՈՒԹԵԱՆ 102-ԱՄԵԱԿԻՆ ԱՌԻԹՈՎ)
- ⇒ ԼՈՅՍ ՏԵՍԱԻ ՄԱՐԶԻԿ 39-րդ տարի, Թիւ 418-419
- ⇒ Հաղորդագրութիւն
- ⇒ Ցաւակցութիւն
- ⇒ Մոմավառութիւն
- ⇒ ՄԱՀԱԶԴ
- ⇒ ՅԱԻԱԿՑՈՒԹԻՒՆ
- ⇒ ՅԵՏ ՄԱՀՈՒ Հ.Ս.Ը.Մ.Ի «ԱՐԺԱՆԵԱՅ» ԵՒ ՄԵԾԻ ՏԱՆՆ ԿԻԼԻԿԻՈՅ «ԱՍՊԵՏ»Ի ՇՔԱՆՇԱՆ՝ ԵՂԲ. ԳԱՌՆԻԿ ՄԿՐՏԻՉԵԱՆԻՆ
- ⇒ Նոր կեդրոնի շինարարութիւն
- ⇒ Մարզական.
- ⇒ Բովանդակութիւն

Կայք էջ . Website : homenetmenalmelo@yahoo.nl

Facebook : [Homenetmen Almelo / ՀՍԸՄ Ալմելօ](#)

Instagram  : [homenetmenalmelo](#)

Առաջարկներու համար կը խնդրուի կապ հաստատել homenetmenalmelo@yahoo.nl ու/